

山樵暇語

下

山陰縣志

下

山樵暇語

卷之五

祝希哲

允明

張夢晉

韓壽椿

登

虎丘浮屠躋至絕頂但見八荒洞然萬慮

屏息飲酒樂甚壽椿出紙筆賦詩以紀其

遊允明詩先成云草木衣裳下煙霞掌握

中偶然飛咳唾珠玉滿天風濟民云極目

飛鴻小致身雲路中詩人少知己發付與

東風夢晉云慮遣塵寰外天歸眼界中新

詩三百首句句答松風壽椿云詩寄千峯

杪春橫一鏡中攜壺兼荷鍾不減晉人風
詩成閣筆天風颯然飄其詩草盤旋直上
太虛如神物掀舞行將擲地重爲蒼鷹所
舉竟不知其所止也遂名爲飛詩會衆客
請紀其事希哲援筆而就不加點竄其詞
云丁未之春甲辰之望集江表之五子繼
山陰之群賢於時山水在望鶯花媚人度
匏樽于輕舟豪興未已飛蠟屐於疊觀高
懷轉增送目蒼煙飛詩碧落鏗鏘金石琳

琅天樂之音歷落珠璣宛轉春葩之彩楮
生將命走秋蛇於毫端風伯知心托霜鷹
於掌上迴翔多態俯仰可觀俄而一蜚冲
天遂爾悠然而逝地非塵世不殊金母之
青鸞人是謫仙竊比玉堂之黃鸝爰列字
氏歸之綈紉推予鄙言用為游券深幸附
驥不耻續貂因為引之如右

吾鄉蔡九達羽抱經濟才惜乎不第王文恪
公素推重之近試禮部得貢元予嘗愛其

惠山茶會序曰渡江而潤金焦甘露勝由
潤入句容茅山勝由句容至毗陵白氏
園勝由毘陵至無錫惠麓勝余之之金陵
必經是傍程迫事脇或不得一造造或不
得遍觀觀或不得與朋友共而私獨踟躕
焉用是怏怏嘗與衡山文徵明中山湯子
重太原王履約王履吉謀行而諸君各有
典守又不敢舍己業以越人境正德丙子
之秋長洲博士古閩鄭先生掌教武進居

下脫葉

可以贈之其秀得予畫輒以與人故書坡
語以戒之噫微明之自貴重其筆跡如此
余家君與微明素交善往歲作風雨圖一
幀并繫絕句以寄意云碧樹足秋雨懷君
不得俱雨窓想無客校得幾編書屈指又
廿載餘矣吾之後人宜永寶之

沈元周啓讀撐犁而靡識敢謂知書問招祈
而不知尚慙寡學見皇甫謐玄晏春秋曰
予讀匈奴傳不識撐犁孤塗之事有胡奴

執燭顧而問之奴曰匈奴號撐犁猶漢人稱天子也

世史正綱云元世祖賜楊漢英名以賽因不花譯以華言賽因好也不花牛也嗚呼君之賜臣將以爲榮也稱之曰楊好牛榮邪辱邪

陳季常自號龍丘先生喜畜聲妓其妻柳氏絕兇妬東坡詩有忽聞河東獅子吼拄杖落手心茫然者是也黃山谷與季常簡云

審柳夫人時須醫藥今已安平否公暮年
來想漸求清淨之樂姬媵無新進矣柳夫
人比何所念以致疾邪又一帖云承諭老
境情味法當如此所苦旣不妨游觀山川
自可損藥石調護起居飲食而已河東夫
人亦能哀憐老大一任放下解事邪觀二
帖可見古人友道之篤如此

李廷暉繼室陸氏多賢能歸廷暉時前室子
甫四歲撫愛甚篤人莫辨其為前室子陸

祥

氏沒其子哭之甚哀亦不類世之喪後母者其子名鎡既長讀書力學是皆賢母之助也揚南峯作陸氏墓誌銘曰伯奇逐王祥辱繼母而慈古不足賢哉令人李家福子也哀啼夫也哭扶柩于歸此山麓畧其衆能銘其獨

東坡自贊云目若新生之犢身如不繫之舟試問平生功業黃州惠州崖州揚誠齋自贊云青白不形眼底雌黃不出口中只有

一罪不赦唐突明月清風

國初王忠文

禕

自贊小像云讀古人之詩書被今人之冠服其見於外或乃謂為有餘然存諸中吾自知為不足也視自贊詩中龍文中虎者有間矣

唐子畏僑居南京日嘗宴某侯家即席為六朝金粉賦時文士雲集子畏賦先成其警句云一顧傾城兮再傾國胡然而帝也胡然天侯大加稱賞前句出李延年歌後句

出詩君子偕老篇由是其名愈著

徐節孝云凡人爲文必出諸己而簡易乃爲佳耳爲文正如爲人若有辛苦態度便不自然

國朝文臣有謚自太子少師姚公廣孝與大學士胡公廣始國初雖誠意伯劉公亦未嘗得也姚謚恭靖又封榮國公胡謚文穆元薩天錫嘗有詩送欣笑隱住龍翔寺其詩云東南隱者人不識一日才名動九重地

濕厭聞天竺雨月明來聽景陽鐘衲衣香
煖留春麝石鉢雲寒卧夜龍何日相從陪
杖屨秋風江上採芙蓉虞學士見之謂曰
詩固好但聞聽字意重耳薩當時自負能
詩意虞以先輩故少之云爾後至南臺見
馬伯庸論詩因誦前作馬亦如虞公所云
欲改之二人構思數日竟不獲未幾薩以
事至臨川謁虞公席間首及前事虞公曰
歲久不復記憶請再誦之薩誦之公曰此

易事唐人詩有云林下老僧來看雨宜改
作地濕厭看天竺雨音調更差勝薩大服
而去

自古文人雖處艱危縲紲之中未嘗廢吟詠
如劉長卿在獄中詩云斗間誰與看冤氣
盆下無由見太陽又云冶長空得罪夷甫
不言錢東坡在獄寄子由曰聖主如天萬
物春小臣愚暗自亡身百年未滿先償債
十口無歸更累人是處青山可埋骨他年

夜雨獨傷神與君世世爲兄弟更結來生
未了因栢臺霜氣夜淒淒風動琅璫月向
低夢遶雲山心似鹿魂飛湯火命如雞眼
中犀角真吾子身授牛衣愧老妻百歲神
遊定何處桐鄉知塋浙江西神宗見而憐
之遂得釋近陳大和獄中云縲紲深居閉
虎牢致身無柰雜羶臊三闕不度人消息
四壁惟聞鬼呌號月入破窓燈焰短風回
孤枕柝聲高故園親舊如相間日望牆頭

過濁醪時獄吏以詩聞太守憐其才而宥
之吁詩能動天地感鬼神其此之謂歟

洞庭山之東有翠峯寺寺有悟道泉吳文定
公與李貞伯偕遊飲泉甘美相與賦詩以
紀其事後廿年吳鳴翰使人舁巨甕以贈
文定公公以詩謝之云試茶憶在廿年前
碧甕舁來味宛然踏雪故穿東澗屐迎風
遙附太湖船題詩寥落憐諸友悟道分明
見老禪自愧無能爲水記徧將名品與人

傳近見文定公遺墨藏于吳承翰家謹錄
之余友張原學以慧山泉一壺及茶爐一
事見贈余謝以詩云故人分贈慧山泉仍
試茶爐活火煎玉色漫傾肩起粟清香搖
落口流涎千翻浪滾聲疑雨兩腋風生喜
欲顛珍重高情勞遠寄好將奇事向人傳
非敢方駕前賢聊以自適云耳

諺云亥日漁人撒網比常倍之元微之謫通
州白樂天詩云寅年籬下多逢虎亥日沙